



I

Maq. St. Dr.

P

on Ethical Piety in

Præceptorum pie defunctum,

PANINI et VITAE

Polen 4<sup>u</sup>

AE 1061.



Biblioteka Jagiellońska



stdr0002471



# PIETAS

in Præceptorem piè defunctum.

*Magnificum olim & Admodum Rñdum  
Dominum,*

D. IACOBVM VITELLIVM,  
S. Th. Doctorem, & Professore, Ec-  
clesiæ Cathedralis Cracouiensis  
Canonicum,

RECTOREM VNIVERSITATIS  
Cracouiën. Vigilantissimum,

&

173175

PROCANCELLARIVM  
Dignissimum,

*Lachrymis propè effusa sepulturæ die,*

A

M. IOANNE NICOLAO GASIEWSKI,  
Collegij Minoris Professore,

Anno Domini, 1648. die vltimà April.

CRAC. In Officina Francisci Casarij S. R. M. Typographi.



*Ex. 115e*



*Ad Adm. Rndum. Dominum*

**D A D A M V M D R A S K I**, S. Th. Licentiatum,  
& Professore, S. Flor. Decanum, Collegij Vladislauiani  
& Contubernij Jagelloniani Prouisorem, &c.

*Et ad Adm. Rndum Dominum,*

**D. I O A C H I M V M S P E R O N I V M**, S. Th.  
Professore, Pœnitentiarium & Ordinarium in Eccl:  
Cathedr. Crac. Concionatorem, S. Floriani  
Canonicum.

*Ad utrumque tanquam piè Defuncti*

**E X E C V T O R E M**

**M**Æstus erat credo mundus, fuit ater Olympus.  
Iussus eram primam quando videre diem,  
Atra dies natalis erat, nigredine picta,  
Nam volucris citius semper ad atra feror.  
Vix atra cerno **R E C T O R E M** morte peremptum  
Carmina mox Genius fertur ad atra meus,  
Mæstusq; vix Genius lugubri carmina venâ  
Fundit, prospectat cùm daret illa viro,  
Et quia Tu **D R A S K I** de fido es mæstus Achate  
Quem Tu cœu Patrem **S P E R O N O V I Q;** doles,  
Mæstus uterq; gemis cœu fratrem frater uterq;  
Mæsti ergo carmen, mæstus uterq; cape,  
Quod vos si saltem grato tangetis oculo  
Rebus in his atris sat puto lucis erit.  
Næ tamen adueniant vobis latissima quæq;  
Post hoc iam lethum, cernite lata diu,  
Parca dein **M A G N I S** si non vult parcere Parca  
Malo sit in minimum me, mala Parca prius,

Ioannes Nicolaus Gąsiewski  
Coll: Min.



# O D E.

**D** Vm parentales ferimus querelas  
 In Tuos tristes obitus VITELLI,  
 Vos, cohors tristis, Dryades supremas  
   Ferte querelas.

Cum pijs dantur pia thura flammis  
 In Tuos R E C T O R cineres cremanda,  
 Vos, cohors tristis, Dryades sacrata  
   Thura cremate.

Cùm volant tristes super astra voces  
 Cùm Deum placans cadit vnda fronte,  
 Fonte vos mecum Dryades natantem  
   Mergite frontem.

Imus oblatas modò quando ad aras,  
 Dona coniunctis precibus ferentes,  
 Dona vos mecum Dryades sequaci  
   Cum prece ferte.

Cùm preces, cùm vota feruntur astris,  
 Cùm piæ tolluntur ad astra palmæ,  
 Vos piæ cælo Dryades supinas  
   Tollite palmas.

Cùm velut dextrum iubar, & sinistrum,  
 Cùmque deiectam geminus Columnam,  
 Morte deiectam Dryadum cohortes  
   Flete Columnam.

Cùmque virtutem citò ab orbe raptam  
 Serò cum Patrem Iuuenesque quærunt;



Vos simul mecum Dryades latentem  
Quærite Patrem.

Ergo secûra modo tectus aura,  
Viue mansuram rebibens quietem;  
Hoc Tibi R E C T O R precor, æuiternam  
Viue quietem.

## NÆNIA PRIMA.

### Musa.

**Q**uem modò Te dicam Musarû Phæbe VITELLI?  
Occidis heu tetrà qui modò mortis aquà.  
Quem modò Te dicam, fuluo pretiosior Auro  
Extinxit rutilum eû modò Parca iubar.  
Ah lux parua aderas, Summo licet auctus honore es,  
En præmaturo mortis ab ense cadis.  
Quo properum vultu casum, quâ mente tulistis?  
Vosq; mihi iuuenes dicite, vosq; Viri?  
Quas Tu dum voces, patrio iam clausus Olympo  
Excipis, hos reddis Doctor vt ante sonos.

### Manes.

**Q**uem modò me dicas Academi M V S A Lycæi,  
Hæsitat ad laudes mens tua cerno, meas.  
Scito, dum vixi, quauis moriebar in horâ  
Nunc omni viuo tempore, morte carens.

Musa.



## Musa.

**A**Vdio gemma Virum grauium, pars optima Patrum,  
Audio quod supero viuis Apollo Polo.  
Et quia gemma Virum vixisti, iam satis orbi  
Annulus ut pulcher, viue sub orbe Poli.

## Manes.

**V**Iuo Polo sublimis Apollo Polonus Olympi  
Iam pro Parnasso Sidera celsa gerens.

## Musa.

**H**ic mihi marmoreum statuas quis quaeso Colossus  
Hascque in eo ponas ex adamante notas,  
Hic iacet, in placitis animum seruare Catonis  
Qui scijt & Magni iussa probare Dei  
Hic iacet, in terris cineres & ossa relinquens  
Attamen in caelis uiuus & omnis adest.  
Heu modo, tantus ubi es? cum Te super aethere credo  
Nonne loquar toties, heu modo Tantus ubi es?  
Non vnus moreris, sunt tecum mortua multa,  
Mortua dos misero est, heu modo Tantus ubi es?

## NÆNIA SECVNDA.

## Musa.

**Q**Vem modo Te dicam Parnassi Praeses Apollo?  
Ex oculis raptum quem dolet ALMA Parens.



Paruis te vidit spatijs pia Patria, paruo  
Dilexit, curas publica resque tuas.  
Contigit hoc nobis bene, contigit an male vobis?  
Dicite vos Iuvenes, dicite vosque Viri?  
Has ego dum tacito voluo sub corde querelas  
Mox resonos pulcher reddis Apollo fonos.

## Manes.

**Q**Vem modò me dicas Academi Musa Lycæi  
Debilis ad tantas est tua lingua vices,  
Dum vixi, fueram Regum non sanguine natus,  
In cælos veniens, Rex modo viuo Polo.  
Gratulor hanc sortem, donum mihi gratulor istud,  
Quod Christum spectans Rex mihi viuo Polo.  
Viuo Polo, seruans olim mandata Tonantis  
Pro vobis placans Numina, viuo Polo.  
Cumque Polo viuo, viuo cum Nomine Terris,  
Ex vno fecit me Deus esse Duos.

## Musa.

**H**ic mihi marmoreum statuas quis quæso Colossus,  
Hasque in eo ponas ex adamante notas;  
Hic iacet, Elysiâ Rex qui modò regnat in arce  
Flos simul, arrosit quem modò Crudus Aper,  
Qui nituit veluti candentia lilia nobis,  
Nunc suaues tantum liquit odoris opes.

Heu



Hêu modò Tantiſ vbi eſ? cùm Te poſt fata dolemus  
Dicemus quoties, hêu modo Tantiſ vbi eſ?  
Et quia cum titulo Regiſ ſub ſidere viuſ,  
Non inimica puto, Mors at amica Tibi eſt.

## N Æ N I A T E R T I A.

### Muſa.

**Q**uem modò Te dicam noſtri bona Lampas Olympi?  
Quam citò de mundo ſuſtulit atra manuſ.  
Quem precor ah dicam Te noſtri Stella Lycæi?  
Neſcio, menſq; ſimul claudit in ore ſonos,  
Si dicam plenum terrenâ laude, Quid inde?  
Hac florere etenim laude Quid inde? Nihil.  
Si dicam grâtum Magnatibuſ eſſe, Quid inde?  
Grâtum nam Magniſ eſſe quid inde? Nihil:  
Si Te Fortunâ dicam nituiſſe, Quid inde?  
Hac lucere etenim ſorte quid inde? Nihil.  
Quem precor ah dicam R E C T O R Te clare VITELLI?  
Ad laudeſ magnas ſcit mea lingua Nihil.  
Ad quod Sidereâ Tu certò fixuſ in aulâ  
Taliâ ſubmiſſiſ daſ mihi verba ſoniſ.

### Maneſ.

**Q**uem modò me dicaſ Academi Muſa Lycæi  
Neſciſ, nec tecum ſcit tuuſ iſte dolor.

Doctör



Doctor eram, celfo progressu iam modò facto,  
Discipulus Christi sum modo Doctor ego.

### Musa.

**A**Vdio dicta Pater, Magni Studiose Tonantis  
Audio pro gressu quo super astra venis  
Quàm benè progressum fecisti pulcher Apollo,  
Ex hoc Parnasso cum super astra volas.

### Manes.

**P**Lura cupis, viuo Cygnus cœu gratus Olympo  
Viuo polo, Sidus cui modo nidus adest  
Viuo R E C T O R ego magno cum nomine magnus,  
Ante Deum magnum lumen & omen habens,  
Nec mihi in occasu surreptum credite quidquam,  
Invida quam vitam mors rapit, Astra dabunt

### Musa.

**H**Ic mihi marmoreum statuas quis quæso Colossus,  
Hasque in eo figas ex adamante notas,  
Hic iacet occiduo submersus Cygnus in amni,  
Cui iacet in paruo magna ruina loco,  
Heu mihi tantus ubi es? quæ Te nitidissime Cygne  
Nescia in ignotas fata tulêre plagas?  
Non vnus moreris, moriuntur plurima in vno  
Mortua spes nobis, mortua luxque Scholis.



# NÆNIA QVARTA.

## Musa.

**Q**uem modò Te dicam Mecænas Magne Clientum  
Nescio, mensq̃ue vagos truncat in ore sonos,  
Cùm notum dicam Te Terris esse, Quid inde?  
Cùm natum Superis esse quid inde? Satis,  
Cùm memorem dicam te Terris esse, quid inde?  
Cum socium Sanctis esse quid inde? Satis,  
Quem modò Te dicam, duris in rebus Asylum?  
Ah nondum dixit lubrica lingua satis,  
Ad quod perspicuà Tu certo fixus in æde  
Respondens placidis das pia verba labris,

## Manes.

**Q**uem modò me dicas Academi Musa Lycæi  
Iam scio, sed quis Tu sis quoque, disce precor,  
Efficior similis posito iam corpore Diuis,  
Hinc fruor Ambrosiâ, fidereoque cibo.

## Musa.

**H**ic mihi marmoreum statuas quis quæso Colossum  
Hasq̃ue in eo ponas ex adamante notas.  
Hiciacet, innumeris fuerat qui commodus vnus,  
Omnibus omnis erat, sed sibi nullus erat.  
Heu modo tantus vbi est nostris citò raptus ab oris,  
Omnibus omnis abest, heu mihi Tantus vbi est.



# NÆNIA QVINTA.

Musa.

**Q**Vem modò Te dicam iam subdita Luna tenebris?  
Nescio, & ad laudes mens stupet ipsa Tuas.  
Mens stupet, Aonium tetigit vix namque fluentum,  
Castalijsque parum vena natauit aquis.  
Non illis etiam multum de fontibus hausi,  
Pegasei quorum pes fuit Author equi.  
Muta tamen nequeo retinere silentia labris,  
Nec possum gratos ore tenere sonos.  
Ergo placet toties repetitis quærere labris,  
Et lachrymaturos ingeminare sonos.  
Quem modò Te dicam nostrarum gloria rerum.  
Mens mea si quid habes? dicito quicquid habes.  
Quis fuit Musas Parnassia dona? IACOBVS,  
Namque VITELLIANVM fuit Apollo caput.  
Quis Princeps Oratorum fuit ante? IACOBVS,  
Namque VITELLIANO Tullius ore fuit.  
Quis fuit & Virtutis & Artis imago? IACOBVS,  
Namque VITELLIANA mens bona mente fuit.  
Ad quod fidere à stans Tu super ætheris aula,  
Respondens, blandos fundis ab ore sonos.

Manes.

**Q**Vemnam me dicas Academi Musa Lycæi  
Si nescis, dicant muta Lycæa tibi.

Quod



Quod citò sum raptus, fecit fallacia vitæ,  
Quod viuam, faciet virtus amica mihi.  
Vitam namque breuem produci posse, quid obstat?  
Vixit enim ille diu cui benè vita cadit.

## Musa Valedicens.

**V**T-Te cunq; Solo rapuerunt fata VITELLI  
Hoc scio quod nobis te rapuere citò  
Pro bonitate Tuà quā toti notus es orbi  
Vixisses vtinam pro bonitate tuā,  
Pro pietate tuā, quā Diuis ante placebas  
Vixisses vnam pro pietate tuā  
Proq; labore tuo quo Musas ante fouebas  
Vixisses vtinam proq; labore tuo  
Sed quid egodico Vixisses, cum tua Mors hæc  
Postquam nunc viuis mors tibi vita Poli est,  
Gratulor hunc ergo casum, mortemq; secundam  
Quæ dedit, in patrio Te requiesse Polo  
Viue Polo. socijs sociate sub æthere Sanctis  
Nulla timens mortis spicula, Viue Polo,  
Viue Polo calcans spatioso Sidera passu,  
Te replens cæli nectare, Viue Polo,  
Viue Polo Vates, Orator fertilis olim  
Ore Tuo celebrans, Numina Viue Polo,  
Viue Deo, viuasq; Deo vt per secula tota  
Nos dicamus AMEN Ter repetamus AMEN.



## EPIGRAMMA.

**E**rgo iaces RECTOR? quondā fortissimus HECTOR?  
Sic est, Te curæ sic posuere graues,  
Ecce Tibi Curæ? faciunt quid cernite Curæ?  
Magnis En curis RECTOR & HECTOR obit?  
Duris defessus curis Academicus Atlas  
Concidit ab Cracior non gerit ecce Polos?  
Iam cessat magnis humeros supponere rebus  
Res grandes, olim cum tulit altus Atlas  
Nec Tua sceptrā gerit, grauium REGINA Virorum  
Promotor quorum maximus ante fuit.  
Nil facit ergo Atlas? cur nil facit ille, stupefcis?  
Post Curas dignum est nonne quiete frui?

### Aliud.

**Q**uem Tibi cum Musis RECTOR præstamus honorem,  
Quem Tibi defuncto præstat amica, cohors,  
Nescio monstratum si calo cernis honorem  
Nescio si meritus Te modo tangit Honos  
Dicite vos Stella, nostrum si cernit honorem?  
Vel tu dic saltem noctis Ocelle mihi?  
Cernere de Calis at cur non debet honorem?  
Cum quævis illi Stella, Fenestra manet.









